

# Mah-E-Muharram Ke Ahqaam

OCTOBER 27, 2014 MARCH 29, 2016 / SK AVAIZ HUSSAIN

♥ Muharram Ki Fazeelat Aur Aashure Ki Roze Ki Fazeelat Ke Baab Me Warid Ahadees..

Muharram Ka Mahina Baada Hurrmat Wala Mahina Jiska Zikar Quran E Pak Me Bhi Warid Hui Hai Irshad E Baari Ta'ala Hai- "Mahino Ki Ginnti Allah Ke Nazdeek 12 Mahine Hain... inme 4 Mahine Adab Ke Hain (Surah Tauba Ayat-36) Iski Sharah Me Abu Hurairah Raz Se Riwayat Karda Marfoo Hadees Me Aya He Muharram Un 4 Adab Wale Mahino Me Ek Hai (Sahih Bukhari Wa Muslim Wagairah)

Muharram Ke Mahine Me Qatal Karna Haram Hai Irshad E Barri Ta'ala Hai- Keh Dijjiye Isme Qital Karna Bohot Bada Gunah Hai.. (Sura Al Baqarah Ayat-217)

Chand Ahadees E Rasool Salallahu Alaihi Wassallam..

1) Abu Hurairah (Razi Allahu Ta'ala Anhu) Se Riwayat Hai Ke , Rasool Allah ﷺ (Sallallahu Alaihay Wasallam) Ne Farmaya, "Sab Roze Main Afzal Ramazan ka roza, aur uske baad Muharram Ka Roza Hain, Jo Allah Ka Mahina Hain Aur Baad Namaz-e-Farz Kay Tahajjud Ki Namaz Hain" (Sahih Muslim Jild 3 Hd.no-2755)

2) Abu Hurairah (Razi Allahu Ta'ala Anhu) Se Riwayat Hain Kay,  
 Ek Sahib Rasool' Allah ﷺ (Sallallahu  
 Alaihay asallam) Ke Khidmat Main Hazir Hokaar Arz Karney Lage  
 Ke, "Ramadan Ke Baad Sabse Ziyada Fazilat Kaun Se Roze Ki Hain,  
 Toh  
 Aap (Sallallahu Alaihi Wasallam) Ne Farmaya, "Allah tala Ka  
 Mahina Jise  
 Tum Muharram Kahtey Ho"  
 (Sunan Ibn Majah Jild 1 Hd.no-1742)

3) Hazrat Ibn Abbas Raz Se Riwayat Hai Ke Jo Muharram Ke Ek  
 Din Ka Roza Rakhe Usko Ek Mahine Ke Rozo Ka Sawab Milega..  
 (Gunnyatut Taalibeen Safa 314, Majlis Fi Fazail Yaum E Aashura)

♥ Aashure Ka Roza 10 Muharram Me Rakha Jata Hai, Magar  
 Yahood Wa Nashaara Ki Mukhalifat Ke Wajah Se Hum Ahle Islam  
 9,10 ya 10,11 Muharram Ka Roza Rakhte Hain Tafseel Ke Liye  
 Ahadees Pe Gaur Karein...

1) Abu Qatada al-Ansari (razi Allahu Anhu) se riwayat hai ki Nabee  
 Sallallahu Alaihi wasallam se Asura (10 Muharram) ke din ke rozey  
 ke  
 bare mein pucha to Aap Sallallahu Alaihi wasallam ne faramaya ye  
 Guzrey huye saal ke gunahon ka kaffara hai.  
 (Sahih Muslim, Jild 3, Baab Fazl Saumul Muharram Hd.no- 2747)


2) Hazrat Abdullah Bin Abbas (Radi Allahu Anhu) se rivayat hai ki  
 Jab Roza rakha Rasoolallah Sallallahu Alaihi wasallam Ne  
 Aashurey ke din  
 (10 Muharram) ka aur Huqm Kiya is Rozey ka, tou logo ne Arz  
 kiya- "Ya  
 Rasoolallah Sallallahu Alaihi wasallam ye din to aisa hai ki iski  
 Taazim karte hain Yahud aur Nasara"? To Aap Sallallahu Alaihi  
 wasallam Ne farmaya Ki-"Jab Agla Saal aayega to Inshallah Hum 9  
 ka Roza Rakhege" Aakhir Agla Saal na  
 aane paya ki Aap Sallallahu Alaihi wasallam Ne Duniya se parda  
 farma liya.  
 (Sahih Muslim, Jild 3 Hd.no-2666)

3) Allah Ke Rasul S.A.W Ne Farmaya Agar Me Agle Saal Raha Toh  
 Aashura(10 Muharram) Se Ek Din Pehle(9 Muharram) Ya Ek Din  
 Baad(11 Muharram) Roza Rakhne Ka Huqam Dunga..  
 (Shoaibul Iman Lil Baihaqi)

4) Ashura Ka Roza Rakho Aur Yahood Ki Mukhalifat Karo, Aashure  
 Se Pahle Ek Din Ya Baad Me Ek Din Roza Rakho..

[Musnad Ahmad Jild: 1, Safa: 241 Hd.no: 2154,  
 Sunan Al Kubra Lil Baihaqi, Sahih Ibn Khuzaymah]

## Scan Page: Sahih Ibn Khuzayma



(<https://batilfirqokihaqueeqat.files.wordpress.com/2015/11/sahih-ibn-khuzaymah.jpg>).

Yeh Riwayat HASAN Darjeh Tak Pahuchta Hai Ibn Abi Laila (Rh.)  
Raawi Hain Jo Siqah wa Sudooq Hain..

5) Hzzrat Ameer Muawiya Raz Membar Se Farmate Hain- Aye Ahle  
Madina! Tumhare Ulama Kahan Hain? Meine Allah Ke rasool  
Salallahu Alaihi Wassallam Ko Yu Farmate Huyee Suna ke “Aye  
Logo! Yeh Aashura Ka Din Hai Aur Allah Ta’alla Ne Tum Par Iska  
ROZA FARZ NAHI KIYA HAI MAGAR ME ROZE SE HU. JO  
CHAHE ROZA RAKHE JO CHAHE IFTAAR KARE(ROZA NA  
RAKHE)  
(Sahih Bukhari Wa Muslim)

♥ AASHURE KE DIN AHLO AHYAL AUR KHUDPAR KHARCH  
KARNA..

Hazrat Jabir Bin Abdullah Raz Se Riwayat Hai Ke Rasool Ullah  
S.A.W Ne Farmaya- Jo Admi Apne Aap Par Aur Apne Ghar Walo  
Par Aashure Ke Din( Khane Pine Me) Wus’at Karega Allah Ta’alla  
Uspar Pure Saal Wus’at Farmayenge..  
(Al Iztizkar La Bin Abdur Barr Maliki Jild 3 Safa 331,  
Kitabussiyaam)

Tajurba- Jaleelul Qadar Sahabi Hzzrat Jabir Raz , Imam Yahya Bin  
Saeed Al Qattan Rah, Imam Sufyaan Bin Uyainah Rah Farmate He  
Ke Humne Iska(Yani Aashure Ke Din Kharach Karna) tajurba kiya  
toh Usko Durust Aur Issi Tarah Paya..  
( Al Aizaan, Gunyatutalibeen)

Imam

Munawi Rh. farmate hain ke Ahel  
O Ayaal par Kushadgi ki  
Hadees Agarche ke Zaeef hai,  
Lekin mukhtalif Sanadon se  
warid hai isliye Majmooi taur  
par Quwwat haasil hoti hai,  
Baaz Sanadon ko Zain Iraqi  
aur Ibne Nasir Uddin ne  
SAHIH Qarar diya hai.

[Tohfatul Baari, Jild: 1, Safa: 365]

\* Yeh Riwayat Alag Alag Sanad Se Marvi He Jisko Imam Tabrani  
Rah Ne Al Ausat Aur Imam Baihaqi Rah Ne Apni Shoaibul Imaan  
Wagairah Me Laye He Jisse Ahadees Hasan Li Gairihi Ki Darjeh Tak  
Pahuchti He..

\* Agar maan bhi le ki Ahadees Zaef He Toh Fazail Ke baab Me Puri  
Ummat Ka Ittefaq He Ke Zaef Riwayat Bhi Maqbool Hoti Hain..

♥ MUHARRAM KE MAHINE ME KUCH KHURRAFAT AUR  
BIDDAT..

1) Taziya Banana Aur Nachna Gana...

Hamare Barelvi Hazraat Kuch Taziyah Banate He Aur Uska Morcha  
Nacch Gaane Ke Sath Niqalte He Jo Bilkul Aur Lazimi Taur Par  
Ahle Biddato Ki Biddato Se Ek Biddat Hai

Allah Tala Farmate He- "Kya Tum Aisi Cheezo Ki Ibadat Karte ho  
Jisko Khud Hi Tumne Tarasha Aur Banaya Hai"  
(As Saffat Ayat 95)

Jisko Allah Ke Rasool S.A.W Ne Na Ki Ho Na Khairun Qurun Ke  
Logo Ne Woh Biddat Hai Aur Hamare Ahle biddat Bhaiyo Ne Ijjad  
Kar Rakha Hai..

2) Noha Karna Wa Matam Karna Rafziyo(Shia) Ki Tarah..

10 muharram ke din ya usse qabal koi noha kare ya matam kare  
usne rafziyo wala amal kiya..

Lehaza Matam Wagaira Karna Islam Me Jaise Nahi Aur Aisa Karne  
Wale Dayre Islam Se kharij Hai Kyuki Abdullah Ibn masood Raz Se  
Riwayat Hai Ki Allah Ke Rasool Salalallahu Alaihi Wassallam Ka  
Mubarak Irshad Hai- "Woh Hummese(Musalman) Nahi Jo Gaal  
Peete, Girehbaan Jaade Aur Jihlat Ki Pukaar Pukaare..  
(Sahih Bukhari Kitabul Janaiz Hd.no- 1294,1297,1298  
Sahih Muslim Kitabul Imaan 103)

Aur Jo Rawafiz Jesa Amal Karega Woh Unhi Mese Hoga Kal  
 Qayamat Ke Din Unhi Ke Saath Uthaya Jayega  
 Ibn Umar Raz Se Riwayat Hai Ke Rasool Ullah Salalallahu Alaihi  
 Wassallam Ne Irshad Farmaya- "Jisne Jis Qaum Ki Mushabiyat  
 Ikhtiyaar Ki Woh Uss Qaum Mese Hai.  
 (Sunan Abi Dawood Jild 2 Safa 203 Kitabul Libas Baab Fi Labsus  
 Shahrah Hd.no-4031)

♥ KUCH MAUZU AUR NA QABIL E AMAL AHADEES  
 FAZEELAT E MAH E MUHARRAM ME BHI WARID HUYE  
 HAIN..

Jaise Ek Riwayat Hain Rasul ullah S.A.W ne Farmaya- "Jo Admi  
 Aashure ke Din, Ismid Ka Surrma Lagayega Uske Kabhi Bhi Ankhe  
 Nahi Jayegi..  
 (Riwayat Ko Imam Baihaqi Rah Ne Apni Kitab Shoaibul Imaan Me  
 Darj Kiya He)

Yeh Riwayat Bohot Kamzoor Aur Zaef Jiddah He..

\* Imam Baihaqi Rah Iss Hadees Ke Bareme Farmate He- Isnaduhu  
 Zaef Bin Maratin Wa Zuwaibir Zaef Wa Zahhak Lam Yalkabn Ibn  
 Abbas Raz  
 Yani Iski Sanad Badi Zaef Hai Kyuki Iska Ek Raavi Zuwaibir He Jo  
 Zaef Hai Aur zahhak Ne ibn abbas Se mulakat Sabit nahi..  
 Yani Sanad Munqate Bhi He..

\* Imam Hakim Rah farmatey He Zuwaibir Zaef Hai  
 (Tehzeeb Ut Tehzeeb)

\* Imam Ibn Hajar Asqalani Rah Farmate He- Wahuwa Isnadun  
 Wahi..  
 Yani Iski Sanad Wahiyat Hai

\* Imam Sakhawi Rah Farmate He- ke Yeh Hadees Mere Nazdeek  
 Mauzu Hai..  
 (Faizul Qadeer Sharh Jameeus Sagheer Lil Imam Munawi Rah)

Umeed He Aplogo Ko Haqq Aur Batil Ki Pehchaan Hogai Hoge..  
 Allah Amal Karne Wala Banaye  
 Ameen..

Muttafariq Masail

[BLOG AT WORDPRESS.COM](http://BLOG.AT.WORDPRESS.COM)